



SIUMUT INATSISARTUNI ILAASORTAATITAT

9. marts 2012

UPA 2012/125

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Aqutsiveqarfimmi Uummannami sinerissami qanittumi qaleralittassat 2012-imi 6000 tons-iusut 2000 tons-inik ilaneqarnissaanik Naalackersuisut suliniuteqaqqullugit Inatsisartut aaliangiiffigisassaattut siunnersuut.
(Inatsisartunut ilaasorta, Kristian Jeremiassen Siumut)

Tungavilersuut:

Qaasuitsup Kommunea-ni aqutsiveqarfimmi Uummannap eqqaani qaleralittassat ukiut kingulliit tamakkerlugit pisisarpaat naak aalisarfiusinnaasut tamarmik aalisarfiunngikkaluartut, tamatumuuna takutippaa aqutsiveqarfimmi Uummannami qaleralearluarnera.

Aalisartut pisasaarullutik aalisarsinnaajunnaartarnerat aalisartumut aalisartullu ilaquataannut aningaasaqarnikkut assut eqqornerlunneqartarput tassami aalisarsinnaangaluarlutik pisasaarullutik aningaasarsiorfeeruttarmata, ukioq mannaluni aalisartut ataavartumik aalisarnissaat qulakkiissangaanni siusinaarluni qanoq iliuuseqartoqareertariaqarpoq pisussap pinnginnarani.

Aqutsiveqarfimmi Uummannap eqqaani qaleralittassat 8000 tons-inngortinneqarpata isumaqarpunga aalisartut sulisartullu Uummannap eqqaani ukiup sinnerani suliaasaqarnissaat qulakkeerneqassasoq taamaalilluni aningaasarsiorneq ingerlaannarsinnaassalluni tamannalu nunatta karsianut Qaasuitsup Kommunea-talu karsianut ajunngitsumik sunniuteqassalluni taamaalillunilu ineriartortitsinissamut aningaasanik atungassaqaqalissalluni Qaasuitsup Kommunea.

Ukiuni kingullerni aqutsiveqarfimmi Uummannap eqqaani qaleralittassaaruttoqartarnerata kinguneranik aalisartut inunnik isumanginnittoqarfimmut saaffinginnittoqartariaqartarpoq ulluinnarni akilingassanut malinnaajunnaarnerup kinguneranik, piumasuserinngisaminnillu aalisartut ilaat isumanginnittoqarfiliartarneri ukioq manna pinngittoortinneqassasoq kissaatigivara, taamaalilluni imminut ilaqtanullu pilersuisinnaaneq ataavartuq ingerlanneqarsinnaaniassammat pisortaniit isumalluuteqarnani.

Qaleralittassaaruttoqartarnerata kinguneranik Qaasuitsup Kommunea inunnik isumanginninnermut aningaasartuuteqarnerulertarpoq tamanna immini pitsaasuunngilaq, ineriartortitsissanguttami aningaasat ineriartornissamut aningaasaliissutingisariaqarpagut innuttaasut maannakkorniit pitsaanusumik atungassaqaqartissagutsigit. Aqutsiveqarfimmimi Uummannap eqqaani

qaleraleqaraluartoq aalisartut aalisarsinnaajunnaarsinneqartarnerat ukioq manna
peqqittariaqanngilaq inuimmi suliumasut inunnik
isumanginnittoqarfiliartittariaqanngilangut naak sulinissaminnut
kajumissuseqaraluartut.

Neriuutigivara Qaasuitsup Kommunea-ni aqutsiveqarfimmi Uummannap eqqaani
qaleralittassat 2012-imi 8000 tons-inngotinneqassasut taamaalilluni aalisartut
aalisarnerat ukioq manna tamakkiisumik ingerlasinnaaqqullugu.

Pisortanut aningaasaqarnikkut aqutsisoqarnikkullu kingunissai

Nunatta karsia aningaasanik amerlanerusunik isertitsinissaa naatsorsuutigineqarpoq,
qaleralinnik tulaassuinerup annertusineranik ilutigalugu.

Siunnersuutip pisassanut kingunissai pillugit Naalakkersuisut siunnersorneqarnissartik
ujartortariaqassavaat kiisalu Aalisarnermut Siunnersuisoqatigiit tusarniaaffigalugit.
Naalakkersuisunut allaffissornikkut suliart aningaasatigut missingersuusiart iluanni
aningaasartuutit ingerlanneqarsinnaanerart naatsorsuutigineqarpoq.

Suliffeqarfinnut namminesortunullu kingunissai

Siunnersuutip piffissaq sivikitsup iluani suliffeqarfiit namminersortunullu aningaasanik
isertitsinissaat naatsorsuutigineqarpoq, qaleralittassat ilanqeqarnerata kingunerisaanik
tulaassuinerup tuniniaanerullu ilutigisaanik.

Innuttaasunut aningaasaqarnikkut aqutsisoqarnikkullu kingunissai

Siunnersuutip innuttaasunut aningaasaqarnikkut aqutsinikkullu kinguneqarsinnaanera
naatsorsuutigineqanngilaq.